



23 Premio Internacional de Gráfica Máximo Ramos 2014

Bases

1. O obxectivo do 23 Premio Internacional de Gráfica Máximo Ramos 2014, que se celebra con carácter bianual, é dar testemuño do dinamismo e pluralidade da gráfica actual desde a perspectiva da arte contemporánea múltiple e seriada.

Esta convocatoria constitúe, así mesmo, unha oportunidade para a consolidación e enriquecemento dos fondos de arte do Centro Torrente Ballester.

O carácter de convocatoria pública vén dado polo anuncio no *Diario Oficial de Galicia* (DOG). As bases serán expostas en www.ferrol.es, www.centrotorrenteballester.com e no taboleiro de anuncios do Concello de Ferrol.

2. Condicións de participación e procesos persoas admitidas

- Poderán participar no certame artistas de calquera nacionalidade e país de residencia.
- O certame está aberto a todos os procesos gráficos tradicionais ou experimentais, incluídos os dixitais, o vídeo, a fotografía e a instalación, con intervencións directas ou combinadas con calquera outro procedemento, sen condicións de tamaño.
- Admitense polípticos, obras seriadas, probas únicas, variacións...
- **Cada participante poderá presentar de 2 a 6 obras pertencentes a unha mesma familia ou serie, ou unha soa obra seriada completa formada por varias pezas.**
- Non poderán concorrer ao premio os gañadores das cinco convocatorias anteriores.
- Non se admiten obras premiadas noutros certames nin realizadas antes de 2009.

3. Premio

Concederáse un único premio de 7000€ (sete mil euros).

O xurado poderá outorgar varias mencións honoríficas.

4. Selección

Os candidatos enviarán por correo electrónico entre o 15 de abril e o 30 de maio de 2014:

- O formulario debidamente cuberto.
- Fotografías das obras. Formato JPEG (de 500 KB a 1 MB máximo cada unha).
- Nos pés de foto indicarase: apelidos, nome e número da obra correspondente á lista do formulario.
- Un *currículum vitae* resumido e unha breve explicación das obras (en galego, castelán, inglés ou francés). Todo nun máximo de dúas páxinas.
- Indicarase se as obras presentadas son obras únicas ou editadas, ou se se poden editar.
- Enviarase toda a documentación ao seguinte enderezo de correo electrónico:
premiomr@centrotorrenteballester.com
- Unha comisión, que estará formada por tres persoas especializadas e que será nomeada pola Concellería de Cultura en función do seu curriculum, procederá a unha selección dos dossiers dixitais e propondrá claramente os números das obras seleccionadas.
- As obras seleccionadas formarán parte da exposición e terán opción ao premio.
- **Esta comisión de especialistas fará unha proposta de obras seleccionadas e será comunicada por correo electrónico a todos os candidatos, antes do 5 de xullo.**

5. Envío das obras seleccionadas

- Soamente se enviarán as obras seleccionadas.
- As obras seleccionadas poderanse enviar montadas sobre soporte ríxido, enmarcadas con metacrilato ou sen enmarcar. Neste último caso a organización definirá un sistema para presentar as obras e poderá consultar co artista as súas preferencias.



Ao dorso das obras indicárase:

- Apelido/s e nome
- Título da obra
- Técnica/s
- Ano de realización
- Valor da obra en euros
- Sentido de posición da obra
- En caso de obra editada, indicar o número da tirada.

Achegárase o formulario impreso, datado e asinado, así como un CD con fotografías das obras enviadas en alta resolución (300 ppp).

Enviárase todo por correo postal ou transporte privado, en soporte ríxido ou tubo reutilizable. Envíos desde o estranxeiro, indicar sobre o paquete: "Impresos para exposición temporal / sen valor comercial". A organización non se fai responsable de ningunha obra retida na aduana.

23 PMR Premio Internacional de Gráfica Máximo Ramos

Centro Torrente Ballester

Rúa Concepción Arenal, s/n

15402 Ferrol (A Coruña)

España

As obras deberán chegar ao Centro Torrente Ballester de Ferrol entre o 26 de agosto e o 5 de setembro de 2014.

Os gastos de envío correrán por conta do participante. A devolución correrá a cargo da organización do certame. As obras estarán aseguradas unicamente durante o tempo que dure a exposición. A organización non se fará responsable dos danos sufridos polas obras durante o transporte (ida ou volta).

6. Selección do premio e das obras para a exposición

- O xurado estará formado por un presidente que será o alcalde, ou persoa en quen delegue, un secretario que actuará con voz pero sen voto, e tres vogais seleccionados entre personalidades de recoñecido prestixio no campo das artes.
- O xurado designará ao autor premiado e determinará as obras para a exposición, que posteriormente se reproducirán no catálogo.
- O xurado resérvase o dereito de que o premio quede deserto. As decisións do xurado son inapelables.
- O ditame do xurado farase público antes da realización da exposición e comunicáraselles por correo electrónico aos participantes e por teléfono ao autor premiado.
- **A exposición terá lugar do 12 de setembro ao 16 de novembro de 2014.**
- Editárase un catálogo da exposición. Os participantes autorizarán a organización a reproducir as obras no catálogo con fins promocionais, asegurando que estas obras están libres de calquera tipo de canon ou dereito de reprodución.
- Cada participante recibirá un catálogo.

7. A/s obra/s premiada/s pasarán a formar parte dos fondos do Centro Torrente Ballester.

8. A presentación das obras ao premio implica a total aceptación destas bases por parte dos artistas participantes. Non se aceptarán candidaturas acompañadas dun formulario non asinado.

Ferrol, 17 de marzo de 2014

O concelleiro delegado de Cultura,

Manuel-Reyes García Hurtado